

non vero uti Millenariorum coetus, Burneto carus, arbitrabatur. Et ne quis in suspitionem adducatur, tanti Præmii prærogativam in solis tunc proprie appellatis Martyribus confectam fuisse, sibi in mentem revocet, quod jam monui, per analogiam quamdam in censum *Martyrum* eos olim quoque venisse, qui propter alias Virtutes, & præsertim ob Caritatis opera, in Domino morerentur. Alteram ejusdem S. Dionysii Epistolam Eusebius idem Lib. VII. cap. 22. Histor. Ecclesiasticæ ad posteros transmisit. Ibi beatissimus ille Episcopus pestilentiam describit, qua laboravit Alexandrina sua Civitas. Tyrannorum persecutionem primo commemorat, ob quam *omnium* *betissimam* *festivitatem* *egerunt* *consummati* *Martyres*, **QUI IN COELO EPULATI SUNT**. Deinde Christianorum Caritatem extollit in ferenda ope fratribus suis læ pestilenti infectis, in quo munere multi ex iis decedere, adeoq; **GENUS HOC MORTIS** ob Pietatem, Fideique constantiam, **NEQUAQVAM INFERIUS MARTYRIO** censeatur.

Seculo eodem III. eisdem immo diebus, quibus S. Dionysius floruit alterum Catholicæ Ecclesiæ clarissimum lumen, S. Cyprianus Carthagenensis Episcopus, qui Anno Christi cclviii. gloriosissimo Martyrio cursum suum complevit. Quæ tunc foret Catholicorum doctrina de Justorum Animabus præsentis sæculo ereptis, ab ipso sciscitemur. Tam crebra, tam lucida sunt eloquentissimi viri hanc in rem testimonia, ut non eruditioni, sed oneri futurum foret, singula referre. Is profecto passim *Coronam* pugnantibus pro Christo pollicetur. Et qualem, quæso? *In Cælis*, atque *apud Dominum accipiendam*. Et quando? Non, uti Burnetus sibi fingit, post complures Annorum myriades, sed sine mora post datam in agone vitam. In Epistola ad Sergium, Rogatianum, aliosque Confessores, eos hortatur, *ut in confessione Cælestis gloriæ fortes & stabiles perseverent, & ingressi viam Dominicæ dignationis, ad accipiendam Coronam spiritali virtute pergant. O beatum carcerem, qui homines Dei mittit ad COELUM! Nemo Mortem cogitet, sed Immortalitatem: nec temporariam pœnam, sed Gloriam Sempiternam, quum scriptum sit: Pretiosa est in conspectu Domini mors Justorum ejus. Quando ergo Judicaturos vos, & REGNATUROS CUM CHRISTO DOMINO cogitatis (quod & nuper vidimus a Dionysio Alexandrino commemoratum) exsultetis necesse est, & futurorum gaudio præsentiam supplicia calcetis. Beate enim femina, quæ, vobiscum sum in eadem confessionis gloria constituta, non solum ipsa AD CORONAM PROXIMAM sunt, sed & ceteris quoque feminis exemplum de sua constantia præbuerunt. Denique Dominum deprecatur, ut intus ad summa perventibus, quos confiteri fecit, faciat & CORONARI. Opto vos, fratres carissimi, bene valere, & ad CORONAM COELESTIS GLORIÆ pervenire. Quid si Corona Martyribus a Deo conlata, ac toties in veterum Actis repetita, hinc discimus, ac nos numquam oblivisci juvabit. Tum in Epistol. ad Martyres & Confessores: Quosdam, inquit, jam comperi Coronatos, quosdam vero ad Coronam victo-*